



FRAMHALDSSKÓLINN Á LAUGUM

Ársskýrsla 2019

Prófill

Stærð skóla, fjöldi nemenda og starfsmanna:

Húsnæði skólans er 6.702 m². Árið 2019 voru um 87 nemendur í fullu námi við skólann (115 í 75% námi) og starfsmenn voru 31 (þar af einn í leyfi) í 23,7 stöðugildum

Námsframboð:

Skólinn bauð upp á nám á fjórum brautum til stúdentsprófs: Félagsvísindabraut, íþróttabraut, kjörsviðsbraut og náttúruvísindabraut. Ennfremur var boðið upp á nám á almennri námsbraut.

Framkvæmd markmiða:

Unnið er að öllum markmiðum skólans sem getið er í skólasamningi og að markmiðasetningu í stefnumiðaðri áætlun 2019-2021. Þónokkur markmið hafa þegar verið uppfyllt og árangur er að nást með önnur markmið þó sumum þeirra verði mögulega ekki náð að fullu.

Umbótaþættir eftir sjálfsmat:

Þær breytingar sem voru gerðar á mætingu á haustönn 2017 skiluðu mun betri mætingum og einkunnum og voru bæði raunmæting og meðaleinkunn nemenda á haustönn hærrí en nokkru sinni fyrr. Námsráðgjöf og sálfræðingsþjónusta hefur verið aukin talsvert og skilar því að nemendum á Laugum líður almennt betur en á landsvísu og viðhorf þeirra og hollusta gagnvart skólanum er jafnframt hærrí en gengur og gerist. Samstarf við aðra framhaldsskóla hefur aukist talsvert. Samstarfið við Þingeyjarskóla er orðið allverulegt og sækja nú einnig nemendur framhaldsskólans í aðstöðu og sérþekkingu Þingeyjarskóla. Sérstök áhersla hefur verið á að kynna skólann fyrir grunnskólanemendum á landsvísu og hefur það skilað skólanum verulega auknum nemendafjölda.

Úttektir:

Skólinn fór í gegnum ytra mat haustið 2019, niðurstöður þess eru væntanlega á vormánuðum 2020.

Afkoma, rekstrarstaða:

Rekstur skólans var neikvæður um 13,9 millj. kr.

Brottfall:

Brottfall var við skólann árið 2019 var rúmlega 1%

Stjórnun:

Skólameistari, áfangastjóri og fjármálastjóri

Samvinna við aðra:

Verkmenntaskólinn á Akureyri, Menntaskólinn á Akureyri, Framhaldsskólinn á Húsavík, Menntaskólinn á Tröllaskaga, Þingeyjarskóli, Reykjahlíðarskóli, Vopnafjarðarskóli, Stórutjarnaskóli, Ungmennafélagið Efling, Austurbrú og Þekkingarnet Þingeyinga.

Sérstakar áherslur/sérsvið skólans:

Skólinn rekur framhaldsskóladeildir á Þórshöfn og Vopnafirði. Skólinn sérhæfir sig í persónubundinni þjónustu, einstaklingsmiðuðu námi og sveigjanlegu námsumhverfi með miklu íþrótt-, leiklistar- og tónlistarstarfi. Nemendur eru með samfelldan skóladag frá 09:10-15:30 sem samanstendur af fag tímum, hóptímum og námstímum og eru þeir síðarnefndu undir leiðsögn kennara á milli fag tíma.

Nemendur og nám:

Við Framhaldsskólann á Laugum voru fimm námsbrautir, almenn braut, félagsvísindabraut, íþróttabraut, náttúruvísindabraut og kjörsviðsbraut.

107 nemendur hófu nám í byrjun árs 2019 sem skiluðu 2.345 einingum (78,2 nemendum í fullu námi, 104,2 nemandi í 75% námi). 79 nemendur voru með Framhaldsskólann á Laugum sem heimaskóla og 28 nemendur höfðu annan skóla sem heimaskóla.

- 10 á almennri námsbraut
- 28 á félagsvísindabraut
- 16 á íþróttabraut
- 42 á kjörsviðsbraut
- 10 á náttúruvísindabraut
- 1 á íþrótt- og náttúruvísindabraut.

58 strákar og 49 stúlkur. Brottfall á önninni var 1,3%. Að meðaltali voru 13,7 nemendur í hópi í fagtíma í stundatöflu.

Haustið 2019 byrjuðu 102 nemendur sem skiluðu 2.846 einingum (94,9 nemendum í fullu námi, 126,5 nemendum í 75% námi). 88 nemendur voru með Framhaldsskólann á Laugum sem heimaskóla og 14 nemendur höfðu annan skóla sem heimaskóla.

- 15 á almennri námsbraut
- 22 á félagsvísindabraut
- 24 á íþróttabraut
- 28 á kjörsviðsbraut
- 12 á náttúruvísindabraut
- 1 á íþrótt- og náttúruvísindabraut.

52 strákar og 50 stúlkur. Brottfall á önninni var 1,1%. Að meðaltali voru 17,1 nemendi í hópi í fagtíma í stundatöflu.

Framhaldsskólinn á Laugum starfar eftir samþykktri námsskrá og reynir af fremsta megni að búa nemendur undir frekara nám og daglegt líf og þátttöku í lýðræðisþjóðfélagi í gegnum sveigjanlegt námsumhverfi, persónubundna námsáætlun og fjölbreyttar kennsluaðferðir. Reynt er að meta alla að verðleikum og taka tillit til sérþarfa hvers og eins. Skóladagurinn á Laugum er samfelldur kl. 09:10-15:30 alla virka daga vikunnar nema föstudaga þegar hætt er kl 14:40. Íþróttakennsla fer fram milli 16 og 18 mánudaga til fimmtudaga og er miðað við að hver nemandi mæti í íþróttir í 24 klst á hverri önn.

Skóladagurinn samanstendur af hefðbundnum fagtímum og hóp- og námstímum þeirra á milli. Kennslan í fagtímum er fjölbreytt, allt frá hefðbundnum fyrirlestur, yfir í umræðutíma, yfir í vendikennslu og notast skólinn við námskerfið Moodle til að halda utanum námið. Í námstímum vinna nemendur að verkefnum sínum með aðstoð kennara. Hóptímar eru fjóra hálfra daga og eru allir nemendur í hóptíma í einu auk um sjö kennara. Hóptímar hefjast á standandi fundum þar sem nemendur þurfa að gera grein fyrir áætlunum sínum í náminu þann daginn. Að standandi fundi loknum fara sumir að vinna að verkefnum sínum en aðrir fara í aukafagtíma. Tímalengd þessara aukafagtíma í hóptímum mismunandi og þannig er hægt að nýta tíma nemenda og kennara betur. Stundaskráin er fljótandi að vissu marki því hún er breytileg frá viku til viku.

Lýðheilsa og umhverfismál eru stoðir skólastarfsins. Eiga þær áherslu að verða greinilegar í öllum kenndum áföngum sem og í öðru starfi skólans. Unnið er með eftirfarandi lykilhugtök í þeirri vinnu;

Líkaminn, hreyfing, næring, hvíld, geðheilbrigði, siðvitund, félagsfærni, kynheilbrigði, umhverfi, menning, listir og upplýsingalæsi.

Í skólanum er símat, þ.e. nemendur þreyta próf, gera ritgerðir og leysa verkefni með jöfnum hætti yfir önnina og lokapróf í hefðbundnum skilningi eru ekki þreytt við skólann nema í undantekningatilfellum. Kennsluvikur annararinnar eru því að jafnaði 17 talsins. Þessi tilhögun gerir það að verkum að námið er mjög einstaklingsmiðað og auðvelt fyrir nemendur að taka færri eða fleiri einingar en hefðbundið skipulag gerir ráð fyrir.

Framhaldsskóladeildir á Þórshöfn og Vopnafirði:

Framhaldsskólinn á Laugum hefur starfrækt framhaldsskóladeild á Þórshöfn frá haustinu 2009. Starfið hefur gengið vel og eru heimamenn ánægðir með þessa þjónustu. Þrátt fyrir það hefur dregið úr aðsókn í deildina. Deildin er rekin í samvinnu við Þekkingarnet Þingeyinga og hefur daglegum rekstri verið úvistað til Þekkingarnetsins. Á vorönn voru tveir nemendur við deildina en enginn á haustönn. Framhaldsskóladeildin á Vopnafirði hefur verið starfrækt síðan 2016 og þar hefur starfið ekki gengið síður vel og heimfólk mjög ánægt líka. Á vorönn voru fimm nemendur við deildina en 12 á haustönn.

Samstarf við aðra:

Samstarf hefur verið við Verkmenntaskólann á Akureyri um að taka að sér að kenna í fjarnámi þá áfanga sem við getum ekki boðið uppá. Einnig geta nemendur skólans tekið slíka áfanga í gegnum Fjarmenntaskólann. Með þessu móti getum við aukið námsframboð okkar. Að sama skapi býður Framhaldsskólinn á Laugum nemendum annarra skóla áfanga í gegnum Fjarmenntaskólann. Vegna þessa samstarfs situr skólameistari Framhaldsskólans á Laugum hálfsmánaðarlega fundi Fjarmenntaskólans.

Í lok árs 2015 var undirritaður samstarfsamningur milli framhaldsskólanna á Norðausturlandi og hefur samstarfið á milli þessara skóla verið til fyrirmyndir. Skólameistararnir sitja fundi hálfsmánaðarlega og hafa skipt með sér ýmsum verkum, þ.e. einn skóli leiðir ákveðið verkefni, annar annað verkefni og svo koll af kolli. Á árinu 2019 voru svo Laugaskóli og Framhaldsskólinn á Húsavík í frekara samstarfi um félagslíf nemenda auk þess sem kennarar skólanna hittust og báru saman bækur sínar. Nemendur á Húsavík tóku m.a. þátt í Tónkvísl, sögkeppni Framhaldsskólans á Laugum á vordögum.

Samstarf hefur líka verið við grunnskóla um kennslu í einstaka áfanga fyrir þá nemendur sem lokið hafa markmiðum grunnskólans fyrir 10. bekkinn. Á árinu 2019 nýttu átta nemendur frá Þingeyjarskóla sér þann möguleika. Slíkt hið sama gerðu sex nemendur Vopnafjarðarskóla og einn nemandi Stórutjarnaskóla. Einnig sá Framhaldsskólinn á Laugum um raungreinakennslu tvo tíma í viku fyrir Þingeyjarskóla árið 2019 sem og valfag á unglingsstigi í tvo tíma á viku. Að sama skapi nýttu tveir nemendur framhaldsskólans sér verkgreinaaðstöðu og verkgreinakenara Þingeyjarskóla. Framhaldsskólinn á Laugum lætur bæði Þingeyjarskóla og Reykjahlíðarskóla í té kennsluhúsnæði. Aukinheldur stendur skólinn fyrir tónlistarhátíðinni Tónkvísl og grunnskólamóti í íþróttum og býður grunnskólum á norðausturlandi að taka þátt í þessum viðburðum.

Samstarf er milli íþróttabrautarinnar og Ungmennafélagsins Eflingar um þjálfun ungmenna. Þetta nýtist skólanum sem hluti af starfsnámi brautarinnar.

Eins og áður sagði á skólinn í samstarfi við Þekkingarnet Þingeyinga um rekstur Þórshafnardeildar og í samstarfi við Austurbrú og Vopnafjarðarhrepp um rekstur Vopnafjarðardeildar.

Mat á markmiðum skólasamnings og markmiðasetningu í stefnumiðaðri áætlun 2019-2021:

Nýr skólasamningur tók gildi 1. janúar 2015 og unnið var eftir markmiðum hans á árinu. Haustið 2017 tóku gildi nýjar mætingarreglur við Framhaldsskólann á Laugum sem fólust í því að raunmætingin var einungs skoðuð með það að markmiði að hún yrði 85% eða hærri hjá hverjum og einum. Þannig eru engin leyfi gefin og allar fjarvistir telja inn í mætinguna sama af hvaða orsökum þær eru (skröp telja jafnt og veikindi) þrátt fyrir að auðvitað sé tekið tillit til eðli fjarvistanna þegar kemur að því að nemendur þurfa að skrá sig úr áföngum. Raunmæting á haustönn 2017 varð strax 84% en raunmæting hafði aldrei farið yfir 80% í a.m.k. 10 ár þar á undan. Hún dalaði reyndar aftur veturinn 2018-2019 og vorið 2019 var raunmætingin 77,4%. Haustið 2019 varð hún hins vegar hærri en nokkru sinni fyrr eða 85,8%. Betri mætingu fylgdu hærri einkunnir var meðaleinkunn nemenda 7,1 haustið 2019 eða hálfum hærri í margar annir þar á undan (var til að mynda 6,2 á vorönn 2019). Brottfall úr áföngum var 13,1% á vorönn 2019 en lækkaði niður í 5,8% á haustönn 2019 og helst það í hendur við betri mætingu og einkunnir.

Samkvæmt *Skólapúlsinum* voru 87,5% nemenda sammála því að þeim liði vel eða frekar vel í skólanum sem var heldur hærra en viðmiðið (81,2%). Í sömu könnun merktu 71,9% nemenda við 7 eða hærri á skalanum 1-10 þegar þeir voru beðnir um að meta hversu hamingjusamir þeir væru og er það svipað hlutfall og meðal allra nemenda í könnuninni. Viðhorf og hollusta nemenda gagnvart skólanum mælist 83,9% sem er marktækt hærri en viðmiðið (71,0%). Nemendur hafa daglegan aðgang að námsráðgjafa og reglulegan aðgang að hjúkrunafræðingi. Einnig hafa nemendur aðgang að sálfræðingi vikulega og greiðir skólinn a.m.k. þrjá fyrstu tímuna fyrir hvern nemanda sem þarf á slíkri þjónustu að halda.

Aðeins hefur verið unnið að því markmiði að auka fjölbreytni náms og með það að í huga var sett upp kjörsviðsbraut til stúdentsprófs við skólann og hefur aðsókn að henni verið góð. Við brautskráningu vorið 2019 brautskráðust 11 af 24 nemendum af brautinni og voru þeir með 11 mismundi kjörsvið. Að sama skapi hefur samstarf við aðra framhaldsskóla, grunnskóla og félagasamtök á svæðinu aukist til muna á árinu 2019 og tóku 28 nemendur annarra skóla áfanga við Framhaldsskólann á Laugum á vorönn og 14 á haustönn. Hins vegar tóku mun færri Lauganemar en átta nemendur tóku þátt í uppfærslu leikritsins *Brúðkaupið* á vegum Ungmennafélagsins Eflingar og fengu fyrir það 38 einingar.

Unnið var að þeirri markmiðasetningu að bæta skólabraginn og voru endurbætur á vinnuaðstöðu kennara kláraðar vorið 2019. Skilaði það sér í góðri einkunn (4,17) fyrir undirþáttinn *Ánægja með vinnuaðstöðu* í könnuninni *Stofnun ársins*). Hins vegar lækkaði „starfsandaeinkunnin“ talsvert í sömu könnun og þarf skólinn að gera betur í þeim efnum. Einnig var haldið áfram með markmiðasetningu skólans að fjölga nemendum og var haldið áfram með markaðsherferð sem sett var af stað í mars 2018. Aðsókn nemenda beint úr 10. bekk meira en tvöfaldaðist frá árinu 2018 og hafði það ár aukist um 58% frá árinu 2017. Skólinn þurfti þess vegna því miður í fyrsta sinn í mörg að hafna nemendum um skólavist.

Allir fastráðnir kennarar skólans eru með leyfisbréf í samræmi við markmið skólasamningsins og um þriðjungur þeirra með meistaragráðu í sínu fagi.

Starfsmannahald 2018:

Skólanum er stýrt af skólameistara og honum til aðstoðar er áfangastjóri í 50% starfi sem slíkur sem og fjármálastjóri (60% starf). Einnig er 10% af starfi brautarstjóra almennrar námsbrautar skilgreint sem stjórnunarstarf. Kennarar við skólann eru í 9,65 stöðugildum, bókasafnskennari er í 50% starfi verkefnastjóri á Vopnafirði í 100% starfi og námsráðgjafi í 75% starfi. Á árinu þurfti samt að auka stöðuhlutföll kennara í hlutastörfum lítillaga. Kerfisstjóri er í 55% starfi, húsvörður í fullu starfi, ræstitæknar í tveimur stöðugildum og húsbændur í tæpu einu og hálfu stöðugildi. Skólaritari er í 50% starfi, skólasálfræðingur kemur einn dag í viku og skólahjúkrunafræðingur einn dagpart í viku. Hjá

mötuneyti skólans er bryti (matráður, kokkur) í fullu starfi og starfsstúlkur í 2,3 stöðugildum. Jafnframt starfar fjármálastjóri hjá mötuneytinu í 40% starfi og þvottastjóri í 100% starfi.

Árið 2019 unnu eftirtaldir við Framhaldsskólann á Laugum:

Skólameistari:

Sigurbjörn Árni Arngrímsson

Áfangastjóri:

Hallur Birkir Reynisson

Brautarstjóri almennrar námsbrautar:

Sverrir Haraldsson

Verkefnastjóri framhaldsskóladeildar á Þórshöfn:

Útvistað til Þekkingarnets Þingeyinga

Verkefnastjóri framhaldsskóladeildar á Vopnafirði:

Bjarney Guðrún Jónsdóttir

Náms- og starfsráðgjafi:

María Jónsdóttir

Skólahjúkrunarfræðingur:

Kristveig Halla Guðmundsdóttir

Skólasálfræðingur

Elín Eydís Friðriksdóttir

Fjármálastjóri:

Þórunn Sigtryggsdóttir

Kerfisstjóri:

Kristinn Ingi Pétursson

Bryti:

Kristján Guðmundsson

Kennarar skólans:

Andri Hnikarr Jónsson

Arnór Benónýsson

Ásta Gísladóttir

Birna Björnsdóttir

Connie Maria Cuesta-Schmiedl

Freydís Anna Arngrímsdóttir

Guðmundur Smári Gunnarsson

Hanna Sigrún Helgadóttir

Hildigunnur Jónsdóttir (í leyfi til 31. júlí og lét þá af störfum)

Olga Hjaltalín Ingólfssdóttir
Ragna Heiðbjört Þórisdóttir

Bókasafnskennari:

Jóhanna Eydís Þórarinsdóttir (í námsleyfi frá 1. ágúst)

Skólaritari

Ásta Gísladóttir (til 31. ágúst)

Sigrún Aagot Ottósdóttir (frá 1. ágúst)

Starfsfólk mötneysis:

G. Sigrún Hringsdóttir, starfsstúlka

Jóna Jónsdóttir, starfsstúlka (lést 7. september)

Sigríður Sveinbjörnsdóttir, starfsstúlka

Þvottahús:

Hjördís Sverrisdóttir

Húsbændur:

Ingólfur Víðir Ingólfsson

Jón Sverrir Sigtryggson

S. Hlynur H. Snæbjörnsson

Húsvörður:

Kristján Snæbjörnsson

Ræstingar:

Eva Björg Jónsdóttir

Kristjana Kristjánsdóttir

Fjármál og rekstur

Rekstarreikningur

Yfirlit um afkomu ársins 2019

	Skýr	2019	2018
Tekjur			
Tekjufærsla fjárveitinga	2	315.715.740	266.626.843
Aðrar tekjur	3	1.020.000	936.000
Vörusala	4	1.014.900	944.700
Framlög og ýmsar tekjur	5	36.670.883	37.621.740
Tekjufærsla frestaðra tekna fyrri ára	2	4.233.364	3.535.453
Tekjur samtals		358.654.887	309.664.736
Gjöld			
Laun, launatengd gjöld og starfsmannakostnaður	6	198.135.261	189.596.366
Annar rekstrarkostnaður	7	170.223.919	108.072.272
Afskriftir	8	4.233.364	3.535.453
Gjöld samtals		372.592.544	301.204.091
Afkoma fyrir fjármagnsliði		(13.937.657)	8.460.645
Fjármunatekjur og (fjármagnsgjöld)			
Vaxtagjöld, verðbætur og gengistap		(5.046)	(1.962)
		(5.046)	(1.962)
Afkoma ársins		(13.942.703)	8.458.683

Efnahagsreikningur

Efnahagsreikningur 31. desember 2019

Eignir	Skýr	31.12.2019	31.12.2018
Fastafjármunir			
Óefnislegar eignir	9	2.002.794	2.442.706
Varanlegir rekstrarfjármunir:			
Áhöld, tæki og búnaður	10	18.353.820	14.345.475
Aðrar eignir		144.863	150.413
		<u>18.498.683</u>	<u>14.495.888</u>
Fastafjármunir samtals		<u>20.501.477</u>	<u>16.938.594</u>
Veltufjármunir			
Tengdir aðilar	11	17.860.568	26.060.051
Aðrar kröfur og fyrirframgreiddur kostnaður	12	3.278.942	2.784.618
Handbært fé	13	1.990.653	3.641.292
Veltufjármunir samtals		<u>23.130.163</u>	<u>32.485.961</u>
Eignir samtals		<u>43.631.640</u>	<u>49.424.555</u>
Eigið fé og skuldir			
Eigið fé			
Hrein eign	14	6.652.277	20.594.980
Eigið fé samtals		<u>6.652.277</u>	<u>20.594.980</u>
Skuldir			
Tengdir aðilar	11	255.842	366.469
Viðskiptaskuldir	15	5.137.059	4.314.268
Ýmsar skammtímaskuldir	16	13.327.058	11.456.070
Frestun tekjufærslu fjárfestingarheimilda	17	18.259.404	12.692.768
Skuldir samtals		<u>36.979.363</u>	<u>28.829.575</u>
Eigið fé og skuldir samtals		<u>43.631.640</u>	<u>49.424.555</u>

Skýringar á rekstrar- og efnahagsreikningi 2019

Fjárveitingar á fjárlögum fyrir árið 2019 til Framhaldsskólans á Laugum námu samtals 325,5 m.kr. Þar af voru 9,8 m.kr. flokkaðar sem fjárfestingarheimild og fjárheimildir ársins því 315,7 m.kr. Tekjufærsla frestaðra tekna var 4,2 m.kr. sem var aukning um 20,0%. Stafar það fyrst og fremst af því að lítið var fjárfest árin fyrir 2016 vegna bágrar fjárhagsstöðu og uppsöfnuð fjárfestingarþörf því mikil. Síðan 2016 hefur verið reynt að bæta úr því og mun svo verða enn um sinn og því mun þessi tekjufærsla frestaðra tekna aukast enn frekar á næstu árum. Aðrar tekjur voru 38,7 m.kr. og drógust saman um 2,0% á milli ára. Heildartekjur skólans á árinu voru 358,7 m.kr. og jukust um 15,8% á milli ára eða um 49 m.kr. Á árinu hækkaði innri húsaleiga ríkisins þó um 52 m.kr. og því nær tekjuaukningin ekki að mæta húsaleiguhækkuninni og verulega raunlækkun á fjárveitingum er því um að ræða á milli ára. Þó ber þess að geta að fjárfest var fyrir 2 m.kr. lægri upphæð á árinu en fjárfestingarheimildir gerðu ráð fyrir (fjárfest var fyrir 7,8 m.kr.) og hefur þá stofnunin mætt tæplega helmingi þeirrar offjárfestingar sem ráðist var í á árinum 2018 (þá var fjárfest fyrir 4,2 m.kr. umfram fjárfestingarheimild). Stefnt er að vinna upp þessa offjárfestingu að fullu á árinu 2020.

Rekstrargjöld ársins voru samtals 372,6 m.kr. og hækkuðu um 23,7% eða 71,4 m.kr., þar af eru 52 m.kr. vegna aukinnar innri húsaleigu ríkisins. Laun hækkuðu um 8,5 m.kr. eða 4,5% vegna kjarasamninga. Að Einnig jókst verkaupakostnaður um 5,5 m.kr. því gerður var samningur við Þingeyjarsveit um að sinna húsvörslu í Íþróttahúsi (og sparaðist þá launakostnaður á móti). Aksturskostnaður jókst á milli ára sem og sérfræðikostnaður vegna aukinnar sálfræðiþjónustu og aðkeyptra námskeiða fyrir nemendur. Rekstrargjöld voru því eðlilega 13,9 m.kr. hærrí en heildartekjur ársins og því var gegnið verulega á höfðustól stofnunarinnar sem var 20,6 m.kr. í árslok 2018. Verði ekki aukning á fjárframlögum til skólans stefnir í áframhaldandi hallarekstur.

Höfuðstóll eða ónotuð fjárheimild Framhaldsskólans á Laugum nam 6.652.277 kr. í árslok 2019. Staða Framhaldsskólans á Laugum á viðskiptareikningi við ríkissjóð var 15,9 m.kr. í lok árs 2019.

Laugum, 1. september 2020

Sigurbjörn Árni Arngrímsson skólameistari
Þórunn Sigtryggisdóttir fjármálastjóri